



Broj:04-11-1233/24

Datum: 15.05.2024. godine

Na osnovu člana 64. stav (1) tačka b) najniža cijena, člana 70. st. 1., 3. i 6. Zakona o javnim nabavkama („Sl. glasnik BiH“, broj 39/14, 59/22), na Preporuku Komisije za javnu nabavku broj: 04-11-1233/24 od 14.05.2024. godine, u postupku javne nabavke -"Izgradnja spomen obilježja Begići" Općinski načelnik donosi:

### **ODLUKU** **o izboru najpovoljnijeg ponuđača**

#### Član 1.

Prihvata se Preporuka Komisije za javne nabavke, broj: 04-11-1233/24 od 14.05.2024.godine da se ugovor za javnu nabavku: **Izgradnja spomen obilježja Begići**, dodijeli ponuđaču: "Ganić" d.o.o. Sanski Most, ponuda broj: 22-4/24 od 22.04.2024. godine, za ponuđenu cijenu od 68.311,44 KM bez PDV-a (ukupna cijena sa PDV-om iznosi 79.924,38 KM), kao najbolje ocijenjenom ponuđaču.

#### Član 2.

Prijedlog ugovora o nabavci dostavit će se na potpis izabranom ponuđaču "Ganić" d.o.o. Sanski Most, kao najbolje ocijenjenom ponuđaču, po proteku roka od 15 dana, računajući od dana kada su svi ponuđači obaviješteni o izboru najpovoljnije ponude.

#### Član 3.

Za izvršenje ove odluke zadužuje se i ovlašćuje Služba za razvoj, poduzetništvo i resurse.

#### Član 4.

Ova odluka objavit će se na web-stranici [www.sanskimost.gov.ba](http://www.sanskimost.gov.ba), istovremeno s upućivanjem ponuđačima koji su učestvovali u postupku javne nabavke, shodno članu 70. stav (6) Zakona o javnim nabavkama.

#### Član 5.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav (2) Zakona o javnim nabavkama.

### **Obrazloženje**

Postupak javne nabavke pokrenut je Rješenjem o pokretanju postupka javne nabavke broj: 04-11-1233/24 od 22.03.2024. godine.

Javna nabavka je provedena putem otvorenog postupka.  
Procijenjena vrijednost javne nabavke je 68.376,00 KM.

Obavijest o nabavci broj: 305-1-3-20-3-25/24 poslana je na objavu dana 28.03.2024. godine, a objavljena je na Portalu javnih nabavki dana 28.03.2024. godine.

Komisija za javnu nabavku, imenovana Rješenjem broj:04-11-1233/24 od 01.04.2024. dostavila je dana 14.05.2024. godine Zapisnik o ocjeni ponuda i Preporuku o izboru najpovoljnijeg ponuđača broj: 04-11-1233/24, u postupku javne nabavke: Izgradnja spomen obilježja Begići.

U postupku po izvješću o radu je utvrđeno da je Komisija za javnu nabavku blagovremeno i pravilno izvršila otvaranje ponuda i ocjenu prispjelih ponuda, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda 3 (tri).
- da su blagovremeno zaprimljene 3 (tri) ponude.
- da je ponuda ponuđača "Ganić" d.o.o. Sanski Most prihvatljiva, a ponude ponuđača "Kamenorezačka radnja "edo" Sanski Most i ponuda ponuđača "EMIR COMERC" KURBEGOVIĆ d.o.o. Sanski Most su nepravilne.

Nakon otvaranja ponuda, Komisija za javne nabavke je ustanovila da ponuda "Ganić" d.o.o. Sanski Most ima računsku grešku u Obrazcu za cijenu ponude-radovi.

S tim u vezi ponuđaču "Ganić" d.o.o. Sanski Most upućen je dana 06.05.2024. godine zahtjev za prihvatanje ispravke računске greške u navedenom obrazcu.

Ponuđač "Ganić" d.o.o. Sanski Most je dana 14.05.2024. godine uputio akt kojim daje saglasnost za ispravku računskih grešaka u njihovoj ponudi u skladu sa ispravkama u traženom dopisu.

Naziv / ime ponuđača	Ponuđena cijena (bez PDV-a)
1 "Ganić" d.o.o. Sanski Most	68.311,44

Komisija za javne nabavke u analizi blagovremeno pristiglih ponuda, te pregledu istih, ustanovila je da su 2 (dvije) pristigle ponude, ponuda "Kamenorezačka radnja "edo" Sanski Most i ponuda "EMIR COMERC" KURBEGOVIĆ d.o.o. Sanski Most nepravilne.

Ponuda ponuđača "EMIR COMERC" KURBEGOVIĆ d.o.o. Sanski Most je nepravilna jer nije dostavljen prilog br. 9 Garancija za uredno izvršenje ugovora kao što je traženo tenderskom dokumentacijom.

Ponuda ponuđača Kamenorezačka radnja "edo" Sanski Most je nepravilna jer nije dostavljen prilog br.9. Garancija za uredno izvršenje ugovora i prilog br.10 Izjava o dostavljanju bankovne garancije kao što je traženo tenderskom dokumentacijom.

E-aukcija nije održana iz razloga što je bila samo jedna prihvatljiva ponuda.

U postupku donošenja ove odluke, posebno su cijenjene činjenice da je Komisija, pravilno i potpuno, izvršila ocjenu kvalificiranosti ponuđača te ocjenu prispjelih ponuda, shodno kriterijima iz tenderske dokumentacije.

U postupku ocjene provedenog postupka, Općinski načelnik nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javnu nabavku.

Naime, u postupku je ocijenjeno da je Komisija u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom. Uvidom u priloženu dokumentaciju, nesporno je da je izabrani ponuđač najbolje ocijenjen zbog najniže cijene ponude.

Naziv / ime ponuđača	Ponuđena cijena (bez PDV-a)
1 "Ganić" d.o.o. Sanski Most	68.311,44

Ponudjač "Ganić" d.o.o. Sanski Most, ponuda broj: 22-4/24 od 22.04.2024. godine, izabran mijenjajući kriterij najniže cijene, koja je ponuđena u iznosu od 68.311,44 KM bez PDV-a (ukupna cijena sa PDV-om iznosi 79.924,38 KM).

Iz navedenih razloga, primjenom člana 64. stava (1) tačka b), najniža cijena, Zakona o javnim nabavkama, odlučeno je kao u dispozitivu.

### **Pouka o pravnom lijeku:**

Protiv ove odluke može se izjaviti žalba Uredu za razmatranje žalbi BiH, Filijala Mostar, putem Ugovornog organa, najkasnije u roku od 10 (deset) dana od dana prijema ove odluke.

Dostaviti:

1. "Ganić" d.o.o. Sanski Most  
Muse Ćazima Ćatića br.13  
79 260 Sanski Most

2. Kamenorezačka radnja "edo"  
Industrijska zona bb, Sanski Most

3. d.o.o. "EMIR COMERC" KURBEGOVIĆ  
Šejkovača bb, Sanski Most

4. u dosije

5. a/a

OPĆINSKI NAČELNIK



Hasanbegović Faris, prof.

